

宣望志契虛者神骨孤秀居長安佛寺避祿山入太白山忽
遇至人勸遊稚川府居一日登山頂見有城邑宮闕殿上有
具簪冕者貌甚偉憑玉几而坐侍衛環列問曰子絕三彭之
仇乎契虛無以對曰慎不可留乃引去契虛後遁去不知所
之稚川則葛真人也

漢武內傳上元夫人謂帝曰汝好道乎數召方士登山祠神
亦爲勤矣然汝胎性暴胎性淫胎性奢胎性酷胎性賊五者
常舍汝榮衛之中五臟之內若從今捨爾五性反諸柔善常
爲陰德救濟死厄不泄精液齋戒勤儉鳴天鼓飲玉漿蕩華
池叩金梁按而行之當有異耳

道藏輯要

三洞羣仙錄

卷三

翼集四

大小川

鄒鑒司直呂誨糾正

列仙傳鄒鑒初同周撫爲南門亭長今遷北帝靈關侯再遷
高明司直之任高明之任如世之尙書僕射

翰府名談呂誨獻可以言事出安州一日獨坐小軒因合目
卽有所見一碧衣童子云玉帝南遊炎洲君子隨行糾正羣
仙自此口食天厨身遊紫府炎洲苦熱上帝賜汝清涼丹一
粒公拜賜而咽之下喉若冰雪公自知不久於世有朱明復
者湘江道中有金甲吏兵數百人公跨玉角青鹿明復拜曰
公其仙乎笑而不答口占詩曰功行偶然書玉闕衣冠無限
葬塵埃我今從帝爲司糾更有何人直柏臺